



佛說九色鹿經

豈

吳月氏優婆塞支謙譯

佛言昔菩薩身為九色鹿其毛九種色其角白如雪常在恒水邊飲食水草與一鳥為知識

尔時水中有一溺人隨流來下或出或沒得著樹木仰頭呼天山神樹神諸天龍神何不愍傷我也鹿聞人聲往到恒水邊語溺人言汝且莫怖懼可騎我背捉我兩角我當負汝出岸上耳鹿大疲極溺人下地遶鹿三匝向鹿叩頭言乞得為大家作奴給其使令將取水草鹿言不須汝也汝且各自去若欲報我恩莫道我在此人貪我皮角必來煞我於是溺人受教而去

尔時國王夫人夜夢見非常之鹿其毛九種色其角白如雪夫人於是說病不起王告夫人卿何以不起夫人對曰我昨夜夢見非常之鹿其毛九種色其角白如雪我思欲得其皮作坐褥欲得其角作拂柄王當為我得

九色鹿經 第二卷 豈字考

之王若不得我便當死矣王告夫人卿為且起我作一國之主何所不得即募國中人有能得九色鹿者吾當與其分國而治賜其金鉢盛滿銀粟賜其銀鉢盛滿金粟尔時溺人聞王募重心生惡念我說此鹿可得富貴鹿是畜生死活何在於是溺人即便語募人言我知九色鹿處募人即白大王言此人知九色鹿處王大歡喜即語募人言汝能得其皮角來者報其半國於是溺人面上即生癩瘡溺人即答王言此鹿雖是畜生大有威神王宜多集眾大出人兵乃可得耳王即大出人兵往到恒水邊烏在樹上見王軍來疑當煞鹿即呼鹿言知識且起王軍來到鹿時熟卧不起烏便下樹上其頭啄其兩耳言知識且起王軍到矣鹿方驚覺舉頭四向欲視遶之三匝無復走地鹿經王軍車過傍臣取弓欲射鹿言且莫射我待我須臾我有一恩於王國中王言汝有何恩也鹿言我活王國中入鹿即長跪重白王言誰道我在此王更

指亦車邊癩面人是也。鹿仰視此人面眼中淚出不能自吁。鹿語大王：此人前溺水中，隨流來下，或出或沒，得著樹木，仰頭呼天，山神樹神諸天龍神，何不憐傷也？我不惜身命，自投水中，負此人出，本要不相道，而人無反覆，不如出水中一腐木也。

王即大有慙色，恠責其人，汝當奈何？不愛重恩，反欲煞之王，即放鹿使去，便下國中。自今已後，若有駙逐九色鹿者，吾當誅其五族。從是國中衆鹿數千，為群皆來附近飲水，食草不侵禾稼，風雨時節，五穀豐熟，民无疾病，其世太平，畢命化去。

佛言：尔時九色鹿者，我身是也。尔時烏者，阿難是也。尔時國王夫人者，孫陀利是也。尔時溺人者，調達是也。調達與我，世世怨讎，我雖有至意，而向說之，故欲煞我。

阿難有王至德，之何得道？菩薩行羣提波羅蜜，忍辱如是。

佛說九色鹿經

佛說九色鹿經

校勘記

一 底本，金藏廣勝寺。此本與諸校本文字出入頗大，故不校。另附明永樂北藏本於後。